


वाख

रेश्म माल्युन म्योन

बिमला रैना



Rewritten in Standardised Devanagari-Kashmiri Script by M.K.Raina, Vasai,
Mumbai with due permission from the author.

My sincere thanks to her.

Work Completed on 12.02.2005 ~ Updated 09.04.2020



Bimla Raina

१

लोलु अमर्यथ चो गलि गले
अदु दिल फवले पंपोश ज़न ।
दुयि बाव सोरुय येलि हो गले
अदु नो ज़ांह डले मन ॥

२

शरनुय गछ़तो पनुनिस ग्वरस
बारि तुली सुय अदु बोर ।
युस तस गारी तँस्यु हो तारी
अदु खुलि लोलस पानय तोर ॥

३

लोलस मे द्युतुम कुनुय ज़ोरुय
मुच्चरनु आमो तोरुय मे ।
वुछुम सु विहिथ पानय च्वपोरुय
चँसिथ आमो सोरुय मे ॥

४

छांडान आँसुसन कोहन तु बालन
अँदरी अँदरी गोमो सूर ।
वुछुम सु बिहिथ मंज़ मेय लालन
छावुनु आमुन्न बु बालन पूर ॥

५

सौबरुन्यु दनु द्वार छी संहॉरी
मो वाल पानस खॉरी हा ।
कर ब्वछि हँतिस अन्नच अंबॉरी
अदु तेलि नो सोरी ज़ांह ॥

६

अकि अकि गँयि सॉरी नीरिथ
वापस फीरिथ कांह नो आव ।
मो ज़ान पानि येति छुस ठुहरिथ
सॉतय सौरिथ हरुद आव ॥

७

खनतो पनुनिस मनुकिस खलस
फुटरिथ दुयि दत्त अथु सौबराव ।
द्यानु ब्योल ववुस, लोत रोज़ पानस
कर जानानस वावुजि वाव ॥

८

अँदरी अँदरी वोन द्यू पानस
कुन कर मनस बेयि द्यानस ।
म्युल कर प्रानस सुत्पु अपानस
पानय मेलख शाहँ आनस ॥

९

मो ज्ञान पानो पनुन तु परुदुय
नय फराह तय नय असलय ज्ञान ।
ह्युव ज्ञान पानो गर्म तु सर्दुय
तावुनुन वाव अदु करि नो फान ॥

१०

सौर्य सौर्य पानस गॅयम मेच्चय
पानस म्यॉनिस पेच्चे बाव ।
अज़लय स्योद कांह सीर नय खॅच्चय
दौर्य दौर्य दिवान प्रथ कांह वाव ।।

११

पांचवन्व् सर्फन कलु च्च मुनुय
वुठ करुख कुनुय मो दिख वाव ।
यॅद्रेय राजन निशि रोज़ ब्योनुय
अदय दय दियी पनुन स्वबाव ।।

१२

पानस सुत्यन करेम सॅच्चय
तॅच्चय वॅरुम वॅडुम नाव ।
ह्यनुरक्क् पाँनी बख द्युत कुनुय
नय कुनि बय तय नय कुनि नाव ।।

१३

खसतो पानो पनुने हेरे
लरि लरि फेरुनु च्ने नेरी क्याह ।
च्यथ दितो शॉद्य छय पनुने गरे
अदु लूकु व्वछुब च्ने करे क्याह ॥

१४

मो बर पानो यूताह चावय
अथ काँसि समरु अस्ल नो द्राव ।
अँदरी फाटुवु न्यबर युथ नु नेरे
नतु हो हरे च्चिहिस मंज़ वाव ॥

१५

स्वरतो पानो ॐ गरि गरे
अँदरी दम दिस न्यबर मो त्राव ।
ज़ेरि ज़ेरि ग्रटु फेरि मँहीनु नेरे
अदु फाकु हरे नु पांच्रॉल्यु काव ॥

१६

मोल मॉज संतान त्रिय बंद सॉरी
छुय संसॉरी सौरुय ज़ाल ।
लोब ज़ान पनुन पान पकुनाव खॉरी
वाल अटुबॉरी पनुनी हान ॥

१७

मिलुन्नार गछुन छु बदलय कथा
गाटुल हय आसख पानय च़ु ज़ान ।
नतु दूहस गँड्य गँड्य थवान हथा
क्रकु दी दी चोहरुम असमान ॥

१८

वनु वनु वनुनस कन मो थावुय
वन ती यी न्नेय बासी जान ।
च़्यथ द्यू पानो अँदरय मनस
यी सु वनी ती बनि जान ॥

१९

मो कर पानो हेरि तु ब्वनय
प्रावतो अँक्यसुय जायि प्रस्थान ।
मो छ़ांड पानो सोन तय व्वगुनुय
नीरिथ गछ़न अकि दूह प्रान ॥

२०

आलम सोरुय कुनुय ज़ानुन
मानुन नँर ज़ंग पनुन पान ।
हमस सूहस कुनुय करुन
दारुन अँदरी तसुंद द्यान ॥

२१

रोज़ि नु क्युँचुय, नय कुनि पीँचुय
नय रोज़ि ताफ तय नय तूफान ।
आब गछ़ि आलुमस दूहस तु रौँचुय
रोज़ि सु पानय अख बगवान ॥

२२

तारुनाव म्वख्तय वावुचन दावन
होश थाव युथ नु अथ छेनि कांह पन ।
चारू तारु पनुनिस सेतारस
अदु वॅसिथ यीतन कौत्याह वन ॥

२३

लोल नो मेलान मॅल्य कुनि वानय
खर्चहॅव दनु द्यार अदु बिस्स्यार ।
वुजुवनु वुजान सु अँदरय पानस
येलि ललि व्वंदस अँदरय नार ॥

२४

मो कर पानो अज तु पगाह तय
थाव मो दनु क्यन बानन ठान ।
कालस काल छुनु, छुय सु ब्यगुहुय
ऑखुरस गछान सौर्यसुय फान ॥

२५

नय कुनि दनु तय नय दनु वोलुय
वोन्य नय कुनि तय नय कुनि वान ।
स्व मनय द्युतुमुत कांह छुय दानय
ती रोज़ि सन्यच्च्यथ बॅनिथ खान ॥

२६

परुखय पर परनु पॉठी
ऑलिम अदय बनि इन्सान ।
नतु पॅर्यतन चॉर्य चॉर्य कॉठी
हॉठी ज़ॉनिथ सॉर्यसुय फान ॥

२७

म्वख्तय ऑसिथ मो बन फोतय
ऑसिथ तोतय मो बन काव ।
कोताह कांछाह शाहन ति ज़ॉगिन
लॉगिथ रोज़ुन तोति गाव ॥

२ॢ

व्वंदय अँदरी द्युन हा वोनुय
करुन कुनुय मन तय िंन ।
दामय रस िंमुक चोनुय
पुशरुन दयस पनुन पान ॥

२९

कुन तो पानि पनुने वानय
रँदी बँदी रोस्तुय जान ।
वुछतो सौरुय अस्ल जहानय
बेयन नत्तु कथ खारुन्य हान ॥

३०

वनवास ज्ञानतो पनुन पानय
मनु तय प्रानय करु व्वपुवास ।
बँर्य बँर्य नत्तु छुख ख्यावान बानय
खारान दयस अदु कथ हांछ ॥

३१

पकृखय स्योद छय पनुने वतय
लूकृ कथे मो च्चय राव ।
हतन फेरान कथ छुख पतय
रौवमुन्न तिमन पनुन्य गाव ॥

३२

नय हावय न बर चावुय
व्वंदस मो थावुय ठान ।
अदु तस बावुय अनि युस छावुय
नतु कथ व्वकर्यन म्वख्तु छकान ॥

३३

लम ति पानो ऑक्व्सुय रजे
दरि नो द्वन त्रन थफ दिनु पान ।
गुपिथ बेहतो मंज पनुनि डबे
गँजरुन कथू छुय लूकृ हुंद वान ॥

३४

यिवान वाव हो छु च्वपॉरी
हिवी तस गरु तय या वॉरान ।
निवान काल बॅनिथ बापॉरी
बद ऑस्यतन अदु या सु जान ॥

३५

वॅथ्य ना ऑरी नय कांह खॉरी
नय फाकव तुजिय बेमॉरी ।
अटु बारि वॉल्य पनुनी बॉरी
गॅयि सत् ग्वरस सुत्य यॉरी ॥

३६

खार मो पानस पानय हठय
कालस पानय क्याह द्युन नाल ।
पानस पनुनिस करुन अटय
ग्वरस पुशरुन पनुनुय हाल ॥

३७

केंचन तारुनि आयि श्री रामय
गॅयि कॅह खॅसिथ प्यठ सत्दाम ।
केंचन छुय नय कुनि आरामय
कॅह प्वख्तय गॅयि ऑसिथ खाम ॥

३८

अँदरी पानस दितो वोनुय
छुस बु कुस तय कति बो आस ।
अबसुन द्यान तनि खोतु तोनुय
सोरुय पानय यियी बास ॥

३९

कुनुय अछुर ओमकुय छु परुन
गलान मोह, अज्ञान अंदुकार ।
दारुन द्यानय कुनुय ओमकार
मुच्चरुनु यिवान सहस्र दार ॥

४०

अँदुरय मन गंडुन खूँटिस
हावुस मु नेबर्युम गाश ।
द्यानु गासु त्रावुस वालुस दूँट्य
व्वपदी पानय ज्ञानु प्रकाश ॥

४१

वश करुन इंडला पिंगला पानस
यलु गछि सुशमना द्यानस सुत्य ।
वाव चलि ह्योर खसि तार अदु पानस
गछि मीलिथ जानानस सुत्य ॥

४२

अनुन ओम द्यानय, लगी दम पानय
सेदि रोज़ खमु नतु गछि सम्हार ।
कलि रोज़ डलि युथनु कांह बानय
गछु मा मस्तानय वुछि बहार ॥

ॡ३

पानस करुने कवु गिंदु बाशो
लग मो पानय वालु वाशे ।
दयि यछायि वुछ डल मो आशे
समय पानय हा करि बाशे ॥

ॡॡ

द्यानय छान्दुन न जि हठय
वसान त्रटय गछि सम्हार ।
योर्य लाग सत् ग्वरस पाद तस रटय
लोलु द्यू छटय फ्वलि गुलजार ॥

ॡॡ

करुखय कैह कर काँसि हुंजि पुछे
द्वह नतु खयि बुजि करुनुय क्याह ।
ती वन यी काँसि हा वेचे
नतु मुशि दिन्यय बैल्य मेचे क्याह ॥

४६

अँदरी पानस क्याह छु पशनुय
रूज़ ना रॉन्य नय कुनि दाय ।
बॉगरुन क्याह अदु न्वशन तु हशिनय
थाव मो व्वशुनुय पानस जाय ॥

४७

मनुचे तारे अँदरी कन द्यू
सॉरी त्रोपरिथ दारि तु बर ।
वोन द्यू पनुने ब्यंदुचे तारे
बॅनिथ सु पानय साज़ंदर ॥

४८

दरू द्यान पनुनिस मंज़ आयस्तानस
रूप तस च्रोतुर बोज़ बगवानस ।
गथ कर लॉगिथ पोंपुर पानस
पोश लाग बावुक्य् शाह हानस ॥

४९

हेन्य् सू प्रानय हम कर अपानस
ज्वन थाव कांह युथ नु रावी पान ।
प्यठ व्वंदु पोशस करू ठिकानय
वशि यियि पानय पनुन मन ।.

५०

ज्वन थव पनुनिस शाह यँदराजस
वोन दिस कति प्यठु फेरान छुय ।
पनुनुय सम गच्छि दम लागि पानय
कुन गच्छि रोज़ि ना अदु सुय बुय ।।

५१

नैदरायि आसनु मंजुय रूज्जिथ
बोजुन लॉगिथ गच्छि हा काव ।
नाव रोज़ स्वर्वुन बा खबर रूज्जिथ
पकनावि अदु अथ पानय वाव ।।

ॡ२

वैरिथ रोज़ अथुवास अँदरी बूगन
सौम च़य ज़ानुन आम तय खास ।
स्वन, दनु, स्यख ज़ान कन थाव सोज़न
पानय बनख दयि सुंद दास ॥

ॡ३

वुनु छे वालान च़्यतुचे गटय
त्रटय छे बासान ज़न व्वपकार ।
अज़पु ज़पुन बोर वाल अटय
द्यानु रवु रटय च़लि अंदुकार ॥

ॡ४

आस मो पानो कुनि प्यठ ब्रमुनुय
दम रठ अँदरी कर मु इज़हार ।
द्यानय रटुन मनि मंज़ खटुन
वौरान जहातस ति बनि गुलज़ार ॥

५५

संसार ब्रम छुय सौरुय माया
देह रंगु अथ सुत्य मन मो लाग ।
पनुनी अपुज ज्ञानुन काया
अथ्य मंज दयस ह्यथ रोज ज्ञाग ॥

५६

कथू छुख वलान खासु अतलासुय
छुख कथ छंडान रुत मजुदार ।
शाह स्वति सौर्यसुय गछि डुबडासुय
खाकुक तु नारुक बनि आहार ॥

५७

बुज्जिथ ज़ोर तय वुछिथ ओन लाग
कथ कर रँसिज मोदुर ज़न कंद ।
गम तु गोसु त्राव मन च़ु शांत थाव
अलनु वलनु यिन बांदव तु बंद ॥

ॡॢ

बर मो फिकिरुय न हे गमुय
थाव मो व्वंदस कांह ति ग्राय ।
पुशर दयस रटि हमय
अदय लसख पनुने आय ॥

ॡॣ

कय लॉगिथ रोज़ मो बन मॅटुय
शेश्तर मो बन, बॅनिथ रोज़ हॅटुय ।
कये सोरुय हॉज़िर थोवुय
मचे अँदरी सोरुय खोटुय ॥
हचे सॉर्तसुय पान वथरोवुय
शेश्तर ज़ंगॉर्य पानाह च़ोटुय ॥॥

ॡ०

कुनी दयि सुंज़ वथुय रटुन
हतन क्रेर्यन मो त्राव ज़ाल ।
छेपि नियि तुलिथ कमि विज़ि कालय
ज़ान मो कैह येति पनुनुय माल ।

६१

नय च्चु रोशी नय च्चु तोशी
पानस डालन्च् होशी क्याह ।
नय च्चु वदुय न गछ ख्वशुय
काँसि खारुन बोशी क्याह ॥

६२

वद मो पानो कथू छुय रावरुन
कदुर रूदस छुय अँशिस छु क्याह ।
नेबुर्य रँटिथ अँदरी त्रावुन
नतु बँल्य् छावुन कनिनुय क्याह ॥

६३

ओश युस खारि अँदरी आयस्तानस
ह्यस थावि नेबुर्य त्रावि नु फ्योर कांह ।
गोड दियि अँदरी शिव रुपु पानस
बवसरु छाँटि तरि फटि नो ज़ांह ॥

६४

यीच्नाह काँसि हुंज थाव मो मालय
वलनी कथ छिय यिम च्नेय ज़ाल ।
छिपि नियि तुलिथ कुनि विज़ि कालय
ज़ान मो कैह येति पनुनुय माल ॥

६५

छिय नय ज़िंदय न छि मॅर्यथुय
ह्यकान वनतो वॅर्यथुय क्याह ।
त्युथ कर युथ गछव सुलि गरि तॅर्यथुय
अदु नो प्यमव हॅर्यथुय ज़ांह ॥

६६

डँब्बु क्रायि युथ नो दयि नाव मशी
फश यियि साँर्यसुय गछि डुबुडास ।
मन वश थाँविथ रोजुन गशी
अँदरी व्वलुर करुन ग्रास ॥

६७

कन वुछिनावुख अँछ बोज़नावुख
साज़ सेतारु कति प्यठय आव ।
काँसि मा बावुय मन वुज़नावुय
अदय पानस यियी छाव ॥

६८

चंद्रनन मुशिक अंबर पँहलुवुय
खरबुज़्य रंग वुछिथ रोटुय रंग ।
गाडि हुंघ शोहलुन्य नाग फाटुनोवुय
क्वंगन थोवुय ब्यंदस सुत्य संग ॥

६९

अँदरय पनुन पान दयि रूप ज़ानुन
द्यानय मानुन पनुन ज़न बाँच ।
लोलु श्रेह ब्वनु प्यठ ह्योर कुन खारुन
यी कर आँखरी पँहरु हर रॉच ॥

७०

करनी दयस छुख यछान ज़ॉरी
परु संज खॉरी पनुनी बोज ।
छुखय छांडान तसंज यॉरी
पर व्वपकॉरी बॅनिथुय रोज ॥

७१

पथ कुन गोमुत अन मो व्यन्नारय
दनु पनु कर्म करुवुन रोज जान ।
कोरमुत कैह वैहर्यन मु खॉरुय
वन वन करुनय फल छु नशान ॥

७२

वादस करुवुन मो रोज वादय
प्यादस पनुन बाव मो हाल ।
ख्वर वहर त्युतुय युतुय आसि रादय
अनिगोट वुछिथुय तीज मो डाल ॥

७३

त्रोपरिथ लुयि दारि युस रोज़ि पानस
करि पॉन्य पानुक पानय दान ।
सॉला वॅरिथ यियि जहानस
शोमरिथ थॉविथ सॉरी तान ॥

७४

लालुक म्वल लालुर ज़ानी
वोन्य क्याह ज़ानी तमिकुय बाव ।
सॉतुच कदुर पोशिनूल ज़ानी
कावन लोगमुत बॅल्य टाव टाव ॥

७५

वॅरिथ मन ऑव्युल दिस वोन ज़ॉव्युल
पन ओम देंरुराव वर दिथ जान ।
यियि पानु वॉसिल कॅह गछि हॉसिल
लय गछ मिलवान तॅस्य सुत्य प्रान ॥

७६

कैहनस अंदर कैछा व्यामो
कैह नतु कैछा ब्यामो मे ।
कैह ना पानस पानय द्रामो
कैह नु मंजय व्वपद्योम कैह ॥

७७

शरन रोजतो दयि संजि गॅच्युय
पानय करनि सॅन्न सॅन्न क्याह ।
शोजरावुख पनुने मनुचे व्रॅच्युय
चॉन्य् व्वस्तॉदिल तति चलिमा ।

७८

स्वमनु वॅरिथ रोज दयि सुंद द्यानुय
पुशरॉविथ थाव तॅम्य्सुय पान ।
अलांघन नतु थपु क्याह दिवानय
बनान ती यि येछि बगवान ॥

७९

ऑमिस पनस अलोंद पान छुम
मनु अबिमान छुम वेच्च्यम क्याह ।
आवसनु आमुत्य् अँदरी तान छिम
बेयि सुंद वान छुम पुन्नस ना ।

८०

वर्शनु कॉत्याह अर्शनु आये
अर्थस कैह लॅग्य् कैह ज़ाये ।
थुरनु कॉत्याह थुर्वनु आये
वॅल्य् कैह हसदन कैह माये ॥

८१

कॉसि हुंदि वनुनय कैह ति पुनि नो
रुत्यव कर्मव वुनि नो ज़ांह ।
मुनुनय दान्यस तोमुल बनि नो
पाकवुनय द्रूठ सेनि नो ज़ांह ॥

८२

पानस पानो पानु गछि सनुनुय
पेहनस वुछतो अनुनुय क्याह ।
ग्राहकन वुछतो क्याह च्चु कुनुनुय
बरान वुछतो गुनुनुय क्याह ॥

८३

फल छुय मेलान नदामतस
हम हँस्ती तति मो हाव ।
ठानय सुत्यन छाव यियि बतस
सीर सेमंजस वतो मो त्राव ॥

८४

मंज मँस्ती आलम रोजुन
फिरान रोजुन लालस रस ।
लोलुक सोज अँदरी बोजुन
चावान पनुन्यव अथव मस ॥

८५

त्रावतो पनुनि अक्लि बर वॅथी
वुछ तो कति कथ लोगमुत नार ।
अड डंगि यॅकुल छयनुवुन्य् सोथी
यीरु युथ नु कॅरिथ गछि सीरु सरदार ॥

८६

हून्य् ति माज़ान छिनु अथ रतस
होत्रिथ माज़स क्याह रोज़ि बाव ।
पान लोगमुत गीर्य गतस
कैह बचेमुन्न रछ मो ख्याव ॥

८७

गोमुत येलि आसि पनुन अंग नंगय
बेयि सुंद तेलि क्याह तुलनुय टाव ।
आमित कृष्ण ति द्रोपदी हंगय
पर सीरस चय सरपोश थाव ॥

८८

वालतो पनुनि पानुक्य् ऋनय
दावय लॉगिथ वसान बाव ।
त्युथुय कर युथ नु यिमव ह्यनय
असलुक ज्जीनिथ मो रावराव ॥

८९

म्वल छुय खसान शराफतस
पानस वलुन पथर मु त्राव ।
शर्फ क्याह छुय अथ प्रतु प्रतस
दूरि वुछुस लोब पान थाव ॥

९०

हुशारुय रोज़ अछ मो जिपन
श्वंगुय त्रॉविथ नेरी क्याह ।
मन नन्नान ज़न मर्चु पिपन
थफ दिनु वश गछि मा ॥

९१

गौमुञ्च बंद कवो छय च्नेय अक्लय
वन तो कथ प्यठ च्चखलान च्चैय ।
दिलुकि हालुक बुथ बनान नकलय
ह्यस थाव फुलय युथ नु गच्छि रँय ।

९२

आमुञ्च ह्यनु छस प्रथ रंगय
सत् ग्वरा बो मंगु क्याह क्याह ।
आमुत्प दारि तु बर छिम टंगय
यलय गरस रौछ करु क्याह ॥

९३

रछि कर्यम पीञ्चन रञ्चन
यीरु वॅरिम शे त्रख तु मन ।
नस्ति थॅविम फंबु नॅच्चय
रतु रगन द्युतुम खन ॥

९४

बेकुल कोताह आँकुल लॉगिन
कँडिस दूदु सगु बनि मा पोश ।
आँकुल कूताह बेकुल लॉगिन
रीशिम मंडवनु बनि मा लोछ ॥

९५

द्यानय रूजिथ ब्युहुन मंज गरस
वनुन पानस सनान छा ।
दौर्य दौर्य दियि कांह तोति छुख सरस
जीन्यमुन्न कैह रछ रावर मा ॥

९६

ह्युवुय रोज विह्य मा बदलावुय
लूकु वॉह्य वॉह्य गछी च्ने क्याह ।
व्यकार पनुनुय मा रावुरावुय
दोलमुत बोयि बोयि दलुन क्याह ॥

९७

वनतो छुख क्याह खँट्य खँट्य थावान
सिर्ययि नत्तु खट्टुनय खटान छा ।
पनुन पानुय छुख रावुरावान
रॉन्न पत्तु राथ बेयि यियि मा ॥

९८

वुछतो कमि ब्रमय मूदुख
तोलान वुछतो रूदुख क्याह ।
गाशिय त्रॉविथ अनि गटि रूदुख
असलुक दरुय रावर मा ।

९९

अनुन लालु पनुन सालय
ज्वन थव छेनि युथ नु लालय माल ।
नोन गछि आकाश वोन दि पातालय
रोज़ि नॉल्य् नालय सुत्तु बालुयार ॥

१००

करु क्याह तेलि येलि तन बु मोरय
ख्यथ होरय अदु कस क्याह ।
शर हा नेरी ओमु के ज़ोरय
दियिय आलव तोरय हा ।.

१०१

ह्यस थाव मन युथ ना गछि हर्शस
पनुनुय अर्शस खारुन द्यान ।
दिन्य समादय बिहिथ प्यठ फर्शस
वावु सुत्य् रोजुन नाव ज़पान ॥

१०२

परुद्य गछान पानुन्यार पनुनी
पनुन्यन मनटी मेनुन्य् क्याह ।
पथ कुन गोमुत ब्रोंठ क्याह अनुनुय
रोनमुत वन बैयि रनुनुय क्याह ।.

१०३

छलनु छलनु पलव तने
सियाह सफेद बने नु ज़ांह ।
ख़ुशि ख़ुशि सुत्यन शोश्तुर छेने
ज़ालुनु चुन्य् बनि ना ज़ांह ॥

१०४

पनुन पान गाड ज़ान, दय ज़ान स्यंदय
अँचिथ मन ब्यंदय छालय मार ।
वायु तारि नाव या अंदु छंदय
वँरिथ कन बंदय लोलु दियि दार ॥

१०५

पनुनी मगुज़ क्याह चु थँकुरावान
हनि हनि पानस वालान बाव ।
पनुने अक्ले कुलुफ दिथ थावान
ज़्यव यलु थॉविथ करान टाव टाव ॥

१०६

वनु वनु करुनय हसर रावान
लटि अकि वोनमुत रोजान याद ।
ऑकुल पान छुख बेकुल बनावान
रावुरान शाँती हुंद छुख स्वाद ॥

१०७

पनुनुय वंदु मा यूत हँदुरावुय
पानस डाल मो पाँरी ज्ञान ।
वुथ्य वानि बुथ पनुन मो छलनावुय
केमिनुय अथि मा ख्यावुय पान ॥

१०८

कूद हनि हनि ब्वद छुय गालान
पान पनुनुय मारुन क्याह ।
ञालान आमृत्य् रोजुन ञालान
वापस चँपिस लारुन क्याह ॥

१०९

होश थाव रोश मा वॅन्य् द्यू पानस
द्यानु मँज्य् पोश लाग बगवानस ।
बावस कदुर छुनु निशि इनसानस
लोल बर पनुनिस शाहानस ।

११०

मन पनुन दूद ज्ञान, ब्बद पनुन्य् दोन ज्ञान
च्च्यथ मंदुन दिथ रोज़ द्यान ।
वावुच रज़ करुस ह्युव रोज़ फेरान
कलि रोज़ वल अदु थॅन्य् यियि जान ॥

१११

वावुकिस अँटिस नावुच च़ोट बनाव
मनु किस तौंदुरस लोल सँदराव ।
ध्यानय अँद्य अँद्य लॉगिथ अथ थाव
पाकु पूर अन थोद गछी अदु बाव ॥

११२

लुब रोज़ यूत मा बन संसॉरी
वल मो पानस यिम यीत्य् ज़ाल ।
यिम रूद्य ऑदीन तिम अँम्य् मॉरी
ह्योत येम्य् पथ सुय निथ गव लाल ॥

११३

लगुयो सत् ग्वरु चान्यन कथन
वतन जरुहॉय चान्यन लाल ।
पोशि हा कति नतु यिमन शतन
कुनुय वुठवनु बनेयि माल ॥

११४

सॉतु वला गुल पॅल्य् व्वंदुकिस बागस
मन पोशिनूल दरि त्रागस प्यठ ।
कन कोस्तूर बोलि लोल वुज़ि नागस
हाह वलु सू रठ आगस मेठ ॥

११५

खॉर हंज़ि दूछे ल्वकूट मुर गॉयि
लंजे व्यतरुम नु कुलिकुय बार ।
त्रॉकिनिस बानस खार मे हर पेयि
शुरिस पुशरिथ गॉयि वान व्वस्तुकार ॥

११६

वुछ वुछ पानो होश कोनु ओयो
ऑकलव तवकल वॉरिथ वॉज हान ।
गटि हंदि गाटुजारु पान ति खट्योयो
पॅज़ ज्ञान मॅशरिथ वॉरुथ परज्ञान ॥

११७

लिल ललुव ल्वलि लालय
मॅल्य् ह्योतुन म्वलविथ लाल ।
परमु आनंद रोट नंदु लालय
रंगु रंगु न्यामुन्नव ख्योवुन साल ॥

११८

रोफ त्रोप दियतन कोताह जंदस
रंग तु रंगुवनय नोव बनि मा ।
नार ज़ॉल्यतन प्रथ कुनि अंदस
वंदस र्यतुकोल अंद्या ज़ांह ॥

११९

मेलान नाव सत ग्वरु वानय
द्यानय रटुन मन गूपाल ।
ब्बदि म्वख्तु माल रोज़ फिरानय
मस चावि पानय बॅनिथ कलुवाल ॥

१२०

ब्रम त्राव साक्षात करतन ब्रह्मय
अहम बावु सुत्यन गछान बरहम ।
वुज़नाव ओमु सुत्यन रुमु रुमय
मूह दज़ि सू वाजि बनि सूक्षम ॥

१२१

बावुक्यन पोशन करु अंबॉरी
सालय अनतन पनुन सरकार ।
लोलुक्य् बॉर्य खारु नखु सॉरी
बनि यख्तियॉरी चलि दोगन्यार ॥

१२२

छुख कवो पानो गोमुत वुबॉली
यशि मानु आवेजु खोटरुथ पान ।
वांसि सॉबरिथ पानु चु खॉली
मॅशरिथ क्याजि गोख पजरुच ज्ञान ॥

१२३

मन छुय पारुद छुना कुनि दरान
डलान तु च्लान छुय ओरु योर ।
बावनायि रटुख सत् ग्वरु चरन
तिमुनुय सुत्यन रुजिजि लोर ॥

१२४

नाव दरान छय नो गुतस
लूकु शतस पोशि क्याह अख ।
वुछ मो मतस थफ कर सतस
व्वंदु रछुख दिख मो ज़ख ॥

१२५

अब्यासु वोथ आगरु लये
गगनस सुत्यु गव अँगनस म्युल ।
शिव शक्ती गॅयि सुत्यु यै
स्वय वॅर क्रैये रोव नु ख्योल ॥

१२६

अॅलिफस मीमस मंज़ बाग 'हय'
हय त्राव वाव लाग, च़लि अदु खय ।
ब्रमस मंज़ बाग लागुन यि 'हय'
अॅथ्यु सुत्यु पानो गछ बा लय ॥

१२७

युस दशि वीरस व्दंदि रँटिथ
ब्यंदु सँदि नावे तन ।
सुय मनु वीरस ज़ेरि पावे
गछि पोशिस बँनिथ जन ॥

१२८

यिमनुय रूदी जुव जान वंदन
तिमय अज़ हा करान ग़ार ।
पानो थवनी कथ छिय बंदन
कलि य्वगु वँडिथ पूर काड ॥

१२९

ज़रु ज़रय ज़बर वुछुम
ज़रु ज़रय ज़ोरुम नो ।
ज़रु ज़रय कौरुम सरय
रज़ि वरुय च़ोलुम नो ॥

१३०

अँदरी अँदरी गोरुम तु दोरुम
फर्शस वथरुम अँदरी पान ।
अँदरी मनु राजुय मोरुम
अर्शस खोरुम अँदरी प्रान ॥

१३१

यिय न्यबर तिय अंदर छुय
गटि छुय खोटमुत पजरुक पान ।
बे-पर्दय अपजुयुग गरु छुय
अँदरिमि दीशय तीर्थ ज्ञान ॥

१३२

नय छोटुम नय खोटुम
नय रोटुम देह अभिमान ।
येन्द्रेय पन व्वटि रोटुम
अदय साँपुन सूक्ष्म पान ॥

१३३

सतन अँचिथ सथ वुञ्जुनोवुम
सति रंगय स्वनु सुंद पोर ।
सथुय सास परञ्जुनोवुम
बोज़ प्रोवुम ब्रह्म च्वपोर ॥

१३४

सो सो करान सोदुम शोदुय
बो बो मच्योम बुतराँच्युय ।
न्यामँच त्राँविथ ख्योवुम होदुय
अदय प्रदेयि तथ गँच्युय ॥

१३५

पांछ त्राँविथ शेयिमिस शमय
शिव दीशे प्यठ सु शे ।
शेन ब्रह्मनि लीलायि समय
लालु लये शेन पतु शे ॥

१३६

इडा ढिगला नखे चित्रा

डखे बज्रा सुषमना ।

थखा वॅगडिथ वले हाह अखा

पखा लग्यस ब्रह्म नॉडी ॥

१३७

सतन लूकन च्वदाह बवा

आकाश सथ ह्योर पाताल सथ ।

शेह शोमरिथ प्रय बर सतन

स्वय छय शतन कुनी कथ ॥

१३८

वछि वॉलिंजि द्युतुमस कोछुय

येछि कोरमस पछि पॉराव ।

हॉरथ ऑखुर द्राव यि पोछुय

सनतो येति छा कुनि ठॅहराव ॥

१३९

शम्बवी मुद्रायि सुरति खारुन
सतिय प्रखटावुन अँतिय आकार ।
प्रनवय प्रान आहार करुनावुन
रुमु ज़पुनावुन छ्वपि ओमकार ॥

१४०

य्वसु रँन्य् सॉमियस शिवु रूप ज़ाने
रनि सु ज़ाने शक्ती रूप ।
अन्न दन तन मन तति कति फाने
दयस तिय छुय पोश दीप दूप ॥

१४१

स्वख द्वख ह्युव ज़ान मा गछ कोशन
तोशन रोशन करुस माल ।
गलान पान ज़्यादय जोशन
होशन तु बोशन करुन साल ॥

१४२

सातु सातय साथ ज़ोनुम
सुती मोनुम राथ तु घन।
हनि हनि कनि मोनुम
ब्यन ज़ोनुम नु अख क्षण॥

१४३

ह्युवुय ज़ोनुम खालु खतय
द्वदु बतय आपुरमस।
सु रूद अँत्य् तय बु गोस छ्यतय
सँदि ग्वतय द्योवुमस॥

१४४

वँन्य् वँन्य् द्योवुम
कनु वँनिमस गँन्य् नाम।
मनि गामय हनि सोवुम
रनि प्रोवुम सत्दाम॥

१४५

रुमु रुमय रमुनावुन
तपु रावुन द्वाद् दीश ।
प्रानु प्रनुवस आपुरावुन
बोजुनावुन व्वपदीश ॥

१४६

तम वुजे सँजरावुन
राजु हजे नारु सुत्य ।
सोजु वुजे बोजुनावुन
शीतु ज़िे ज्ञानु ज्यूत्य ॥

१४७

दनि दने दनिरावुन
द्व्यून पावुन कुनि वीश ।
मन मँस्ती मँचुरावुन
ज्वन थावुन कुनुय ईश ॥

१४८

गंजि बानय दिथ छु ठानय
वानु वानय म्वलुव्यु ज्यन ।
बोशि मुच्चरुस होशि ठानय
जोशि पानय तच्चुर्यज्यन ॥

१४९

गोशि गोशय जोश खारुस
अंदु रटुन मन तु कन ।
जॉन्यु पनन म्वख्तु तारुस
प्वख्तु करुन ओम पन ॥

१५०

वादु वॅरिथ प्यादु गॅयस
सादु त्रॉवुम चॉन्यु व्यन ।
वाँसु वुडरिथ होशि पेयस
वॅस्यु गॅयस ह्यथ ईशि र्यन ॥

१५१

मूल रटुन लंजि मु चारुस
द्वद वाने सगुव्य ज्यन ।
फल वुछिनय हलम दारुस
कलमु लेखिय नादु ब्यंद ॥

१५२

श्रोच्चर करान वृती मोचुम
रुच्चर कौछुम कायाये ।
अँदरिमि छेचरु बुदी होचुम
शिक्षा दिचुम प्रजाये ॥

१५३

नोव नोवराँविथ प्रोन मँशरोवुम
जाँनिथ लोगुम बे ज्ञानय ।
गाटिल पान गटि गोटुरोवुम
पर सँच ख्योवुम खज्ञानय ॥

१५४

सँदरय व्वदुर्य गुरिस कर ज़ीन
लागुस बे नवा बोजुस बीन ।
प्रणवय पोज़ पज़ि पापु हीन
रज़ि खसि वेदि वेदि गच्छिनो क्षीन ॥

१५५

मो दि व्वथुबव अथ मनु बाज़स
नँच्चनि ह्यडरव नेरि क्याह ।
क्वम्ब खुम्बय तील्युज़ि राज़स
शिव शक्ती मीलिथ सू हाह ॥

१५६

हख दिच्च चोपॉन्यु चमडु बेकार
कँरिथ श्राख मौंड पुज गव मार ।
नफच्चयव खार ह्यँच्च खर्चिथ द्यार
आदम मरि ज़न दयस बेज़ार ॥

१५७

बौबुरुनि श्रुफलु प्रक्रम नु वॅर्यजे
अँदरी दौर्यजे स्वंदरीय रुफ ।
लयि क्रये प्रय तस बॅर्यजे
बावुक सौर्यजे दीप तय दुफ ॥

१५८

अथापय रटुन द्यानु सथापय
अरंगय रंगुन पानु स्वरंगय ।
अजातय थावुन प्रावुन अपातय
अवेशय सु छुय पानय स्ववेशय ॥
अभंगय सु छुय पान प्रावुन स्वसंगय ॥॥

१५९

पानय बिहिथ छुय दरवेशे
अमृतु केशे रँटिथ दार ।
पर्जनु करान मनु वैसे
हंसु गंडु लागि ब्रह्मांडु दरबार ॥

१६०

मनु ज्वल गछान अँनिस पानय
नँनिस ताफ तुर सोज्र ज्ञानय ।
छेनिस नैदुर खाकि महल खानय
अब्यासुकि आलवु प्राव जानानय ॥

१६१

नगारय नँगरु द्युतुम
ताम अँकिस ति व्योचुम नो ।
बे नामय होस मोतुम
म्वलस ति काँसि पोचुम नो ।

१६२

कलि कालुक कलियुग राजय
स्व कलि स्व कृँच सिंसादय ।
वावुनि बंवरय क्व कलि व्ववादय
छ्वपि प्राव आनंद अगादय ॥

१६३

जॉनिथ बोज़वानु पोज़ कोनु बवुथ
बे बोज़ ख्यथ गॅयि हालव फल ।
स्व वुँच्च तन मन कोना शोज़रोवुथ
मल वानि कल यँच्च द्योवुथ तल ॥

१६४

पांच्रुवन्य् गुर्यन कर कुनुय ज्जीन
प्यठु सवारुय गछन ऑदीन ।
बावुय थावुन ज़न मिस्कीन
सारिनुय दीशन बोज़ुस बीन ॥

१६५

गगुरस हगुर ज्ञान मन तु तन
छलस लागि तय वेशन अर्पन ।
प्वर्शस द्य गलि प्वर्षोतम
परकल बोज़ च़लि पारब्रह्म ॥

१६६

क्रय अय वॅर्यज़ि कौंसि हंज़ि पुछे
अन्न अय दानस दिजे द्वछे ।
दनु दान दिज़ि यिय चंदु पन्ने
ज्ञान तॅस्य् दिज़ि येस्य् हो वेच्चे ॥

१६७

त्रु बॅर्गस द्वर्गु नाथस
बॅर्गु बॅर्गु करुस क्रय ।
सासु बॅर्गु स्वरुसॅत्य् नाथस
प्रानु अर्गु लौंगिथ जय ॥

१६८

कोस्तूर ति बोलि कलान
कुस छु सनान क्याह छु सथ ।
माज़ हॅरिथ रथ छु मलान
कस छु छ्यनान अतुगथ ॥

१६९

अक्लि रोस्तुय शक्ल क्याह
स्व अक्लि नक्ल छा ।
शालस खँसिथ छ्वह क्याह
ब्याख बेकुल ज़ानुन मु ज़ांह ॥

१७०

आसि येलि पान पूरि परमानय
चूरि जानानय रोज़्या ज़ांह ।
पँहँल्य् वुछान पँरी मँहल खानय
अँदुर्य सनानय खालुय कांह ॥

१७१

पटु रोस्तुय ग्रटु मा फिर्यज़े
काँसि पलज़े थँज कादस ।
अंतु रोस्तुय वोंता सोर्यज़े
अदु ना मँर्यज़े मरनाथस ॥

१७२

वटु मटस सटु नो वॅर्यजे
मावु दावय हॅर्यजि नु ज़ांह ।
व्यथु वॉन्यु नाबद नो वॅर्यजे
दहानस बॅर्यजे पानस सू हाह ।।

१७३

वनुनु वछस कोरुम गछा
द्यये दोरुम मोहरम गॅय ।
रछि वॅरिथ थोवुम पाशाह
तिमय स्वछा वॅरिथ गॅय ।।

१७४

दर पर्दु वछस हरदु लगे
रर्दु वावस बनि क्याह ।
तस ख्वरदुबीनस माह जॅबीनस
दोद सीनस ननि ना ।।

१७५

हु अँजस नॉल्य् लरजुन ज़ाल गोम
मन कंगाल गोम ज़रस क्याह ।
च्यतु सुमरँच्च नफ़चुन बाल प्योम
फिरिथ नाल गोम स्वरस क्याह ॥

१७६

नादानु आनंदु दामा सौर्यजे
आत्मु दर्मस बॅर्यजे यिं ।
स्वन, र्वफ, ब्वद, मन पनुनुय गॅर्यजे
अद्यात्मु यूगच वॅर्यजे क्रय ॥

१७७

संगमु स्वथे बुथा छॅलिथ
गुप पान वॅलिथुय संतोशय ।
पादुकी गर्दा ग्वरसुंज मॅलिथ
हन हन फोलुरिथ वन पोशिय ॥

१७८

आचर, व्यचर, श्रोचर थोवुम
ज्वनु करनोवुम मन व्वपुकार ।
प्रानु आहार पॅहरुदार करुनोवुम
नोन अदु प्रोवुम सथ ग्वरु द्वार ॥

१७९

ग्वरु दान मोटिथ बूतल वॅटिथ
आदि नाथस नमस्कार ।
ब्रह्म ग्रंथ मूलादारु रॅटिथ
हठु छटि प्रवु ओंकार ॥

१८०

ज्ञान मँद्य मँद्य ज्ञॉनियव थोवुय
पँडितव थोवुय गुरसस दान ।
थॅन्य पानु यूगियव प्रॉवुय
वॅन्य रूदिय अँन्य प्रञ्जवान ॥

१८१

प्रर्वेकञ्च ज्ञानस यूगय सनुस
मिथ्या त्रॉविथ श्वजरुन पान ।
गुरुस त्रॉविथ थनि सनुन
पानु बनून ज्ञानु दिान ॥

१८२

सँदरिथ तौदुरस व्यतय नार गोम
पजरुक सार गोम अपजिस तल ।
स्वनुर्य गॅरिथ खार दिथ मार गोम
मंज बाजार गोम वॅरिथ छल ॥

१८३

ग्वरु शब्दस युस निष्ठा थावे
युस त्रोपुरावे दारि तु बर ।
मनुक मनकु तारी दावे
सुय हो प्रावे मोक्ष वर ॥

१८४

वैन्त्यु शेछ वैन्थि गोम मंज कनस
हचि थफ वैरनम मंज सँहराव ।
ठँहराव दोपुनम कर मंज मनस
अदु मेचि वनस मे ति सौंथ आव ॥

१८५

द्वह तारय छ्वह मे मोरुम
हरुद ज़ोनुम सौंथ आम ।
पर तु पनुन वुम्बरि च़ोरुम
हंसु बैन्थि काव द्राम ॥

१८६

म्वनुर्य ह्वनर हेछनि द्रायस
शरन गँयस सथ ग्वरुहन ।
आदन आरदनि अंदर च़ायस
गौरिथ आयस सौरिथ दन ॥

१८७

दुर्लब पानय स्वलब बने
येलि गने तसुंद नाव ।
बुद श्चदिय मन हा तने
अदु हो सने तॅम्य सुंद बाव ॥

१८८

बुलुमन्यन खॅसिथ हना
लाकम चॉरिथ मूर्योम खोर ।
मनटिनि जायि दिचोम मना
बु गॅयस फना सु द्राव ब्रोर ॥

१८९

गंगु बलय गंगजि पोन्चु चोम
ग्यगु वॉलिथ गुप सु वोन्चु ।
गाहा प्रवे गोट दूर गोम
अदय प्रेज़वुम ग्वफि गोसोन्चु ॥

१९०

ओमय हमय यमय रमुन
वोमय लमुन ह्योर कुन ज़ोर ।
घोर त्रॉविथ पृंघिम खमुन
शेयिमि शाह मुन्नरान तोर ॥

१९१

ग्वरन कोरनम यी व्वपदीश
ज्वनु पर दीशे वापस फेर ।
चेनुन चेय मंज छुय ईश
छुय चेय निश म कर चेर ॥

१९२

नार अँदरी सँदरिथ थावान
सुय प्रज़लावान द्वादु दीश ।
वीद शास्त्र सुय परनावान
छुय चेनुनावान व्वपुदीश ॥

१९३

यँदुर अँदरी कतुनावुन
पन थावुन ज्वनु कीश ।
सुथुर वँट्य वँट्य डेंजि थावुन
प्रानु प्रावुन त्रोगुन वीश ॥

१९४

कलुय्वग पखांडस म गारुस
गृहस्ती छुय ग्वरु व्वपदीश ।
कथि मंजय कथा चारुस
त्रेनुन ग्वर छुय बदलिथ वीश ।.

१९५

गगनु बला अँग्न लोगुम
सगनु वोथुम वारय वेह ।
वगि रँटिथ तगि दोरुम
ज्ञान वेदे शीति वेह ॥

१९६

स्वदीशे गगनु दीशे
दरवेशे ब्रह्मसरय ब्रह्मस ।
त्रिगुणी स्वलबा तीतस
स्थापस जगि आदारास नमस ॥

१९७

आसि लीखिथ यिय ललाटस
पूजि पाठस दूश क्याह ।
नाव लँजमुन्न आसि शाठस
गाठ दियि तथ वाठ क्याह ॥

१९८

हठ रँटिथ पटु मु लेखुस
नँमिथ वनुस मूरिथ कौर ।
दारि वडिथ बॅर्य अचुस
रँटिथ रोजुस ख्वरु शोर ॥

१९९

अंदर अँचि स्वंदर खटुन
नवन द्वारन थँविथ तोर ।
गागुरि मंजुंय आगुर रटुन
सुह बनान अँसिथ ब्रोर ॥

२००

यस लगन आसि अग्नि हिशे
ग्वरय व्वपदीशे गिँवि सुय ।
रावि नो अदु पर दीशे
शिवु दीशे खारि सुय ॥

२०१

सत् संगय रंग प्रावुन
अंगय बस्मा मँलिथ छुय ।
गंगय वाने मन नावुन
बंगु चावान चँलिथ दुय ॥

२०२

वेथि गोमुत बठि खारुन
यलु मु त्रावुन हाखल ।
हटि रँटिथ रथि खारुन
फवलनु नेर्यस कर्म फल ॥

२०३

घाशरिस अनुहारय
होशदारव गोश थोव ।
मन मँस्ती गुप्तारय
नव बहारय होशिनोव ॥

२०४

मे मे करान बुछिथ चोर गोम
फोर गोम करान वावेलाह ।
ह्यनुर बँरिथ अंदर मोर गोम
अँदरिम दो गोम दिथ खुलाह ।

२०५

पनुन त्रॉविथ बेयिस सनुन
राज़दॉरी वॉत घाव ।
फ्यारव वॅकडिथ वारु अनुन
वछि अनुन पूर छाव ॥

२०६

डीड्य वॉनिय बेडि चॅटिथ
द्वार यलु गोम व्यन्नारु सुत्य् ।
मॅहल वानुच हेर रॅटिथ
गुल फवलन अदु वारु कुत्य् ॥

२०७

लादन त्रॉविथ सन संवादन
मंज़ सम च्रम आदन तस ।
तन शोमरिथ रम मंज़ पादन
पूजन शांति रुपु र्ज़ोन यस ॥

२०८

गृहस्तस नमुस दसबस्तय
सरस थँविथ सरदौरी ।
मोह क्रूद लूब करुन अस्तुय
हरस त्रॉविथ जिमुवौरी ॥

२०९

दुर्लब छुनु मंज़ सर्व आकारय
न्यराकारस मंज़ हनि हने ।
व्वटि लब छांडुन हंसु दरबारय
प्रज़लि ओंकारय मंज़ मने ॥

२१०

गटु बालस गटु हटे
रटु छटे यँद्रु गू ।
हटि छोकिथ णिव फटे
गाह छटे रामु जू ॥

२११

बानु चॅलिथ पानु थावुन
राव रावुन अख मु क्षण ।
मनु मद होस नैदरि सावुन
ईश प्रावुन वीश त्रे ग्वन ॥

२१२

अज़ अय स्वरख वायि मा बरख
बुडिथ कौयदु परख क्याह ।
मॅरिथ मरख पानस फरख
ज़िंदय मरख हरख मा ॥

२१३

कौल्य् अदु मा रोज़ि यावुन
हरि सौरुय हर्दु वाव ।
होशि अँदरिमि पोश छावुन्य्
हंसु द्वारय पूर्य त्राव ॥

२१४

यूगु रूस्तुय पान ज्ञानुन
वनु रूस्तुय वानुदुर ज्ञन ।
बूगु सूरूस्तुय पान मानुन
डलस दानि रूवुन ज्ञन ॥

२१५

वनु कूसरे बनू वरूथ
मनु सूरूथ राथ दन ।
दनु पनु पानस पँरूथ
हनू खूवूथ वुहि ज्ञन ॥

२१६

सँदरि सरस वूठा लूथ
वूथ पवनू सेतारु नय ।
ओम कतुर वारु पँथ
नारु वुजमल वुथि गँय ॥

२१७

वारु लोलस दार लॅगिथ
जोन लॅगिथ नार गव ।
अँदुर्य मारय वारु दॅगिथ
सोपुन बॅनिथ साकार गव ॥

२१८

क्वकरु दिगि दिगि तुलिथ
तनि मॅलिथ सूर तु सास ।
स्वकले वृँन्न छॅलिथ
द्वह डॅलिथ नोन सिर्यि खास ॥

२१९

मरच्चु ट्योठ मिशरि मोदुर छुय
पानि ओदुर छुय नारु होख ।
निशि बिहिथ खोतु व्वदुर छुय
मंज सँदुर छुय व्वटि पख ॥

२२०

दोर कर दिह्य दॅरुरावुन
म सावुन बनि मेच्चि बन ।
आलुच बाज़ि बाँज्य् रावुन
सुत्य् प्रावुन पान ज़न ॥

२२१

शट् पूरि तॅरिथ शट्स पॅरिथ
चॅक्रु गेगि लॅगिथ गव ।
लयि गछि गछि नय सौरिथ
अंतु अनंतु बेयि ज्योव ॥

२२२

तोछुम नु पान तस मुछुम
द्युतुनम पानय पनुन दाम ।
नाबि व्वंदि ब्यंदु रोछुम
वुछुम सासि गाहु पॅक्ष राम ॥

२२३

नोकरी रङ्ग वेंरिथ थावुन
वेंकरु वालुन करुस गृन ।
मॅकरि छॅलिथ स्वखरि पावुन
बॉगरुनु यिथि पानु त्रेन ॥

२२४

द्वख हरि फाकु फरि
योद थावख तन तु मन ।
स्वख चरि बाव हरि
शोद ख्यख योद नाम बूजन ॥

२२५

स्वखय पान सखरिथ थावुन
स्वख दारि छारुन चॅदरी वन ।
द्वख ज्ञान ज्ञान दयस पुशरावुन
बिंद्रि गारुन नारायण ॥

२२६

हारुनि ग्रेकि, मागुक्यव दबव
लाल लबुन लोलुकि जोश ।
मदु वँसिथ अदु मा लबव
बालय फबव क्वंदु पोश ॥

२२७

लबुन छुय सन दिन्य पानस
ह्यथ लोब रोज़ जहानस ।
रावरुन छुय मंज़ लामकानस
निथ पथ बोज़ खज़ानस ॥

२२८

कोहन वोट द्वह डँलिथ
शाहस बँनिथ प्यादु प्यव ।
सुहु च़म शाल वँलिथ
हँस्य खेलिस ख्यथ गव ॥

२२९

दरुड ररुड दरुड सर
डे डरसु करुवुन कर।
संसरर दरुडुन नर
डदुन तुररुवुथ खुडररर हर।.

२३०

दरुनररुथ डु दरुनररुवुन
डुथररुड डुथररुस डररुन कुररह।
हुन छुड डु ठुठररुवुन
गुरु डररुडु दुररुवुन कुररह।।

२३१

दरुडद वथ दरुडुड रथ
दरुड ररुडु डुथ सरर।
डुठरुथ ररुठरुथ कुनी कथ
ऑरुव ऑसुतन डर अवतर।।

२३२

बेकल लोगुथ ऑसिथ दानाह
हंस्या ख्योवुय कावव वन ।
स्वनुरिस द्युतुख खारु वानाह
पाना हँदर्योय क्याज़ि मन ॥

२३३

लबुनुचि कले लोबमुत रॉविथ
मनुच त्रॉविथ अथय सोज़ ।
बोज़ हुंदि बुजरय क्रंज़ा नॉविथ
वेदि विज़िनॉविथ, ख्यॉविथ पोज़ ॥

२३४

छ्वपि हुंदि छ्वपिरय छ्वह छोकरोविथ
पन हमुनॉविथ रातो द्यन ।
व्वंदि हुंदि आगरु मन दोबरॉविथ
रवि जिंनावुन नारायणा ॥

२३५

शुन्युक शुन्यर शुनुरॉविथ
भूः मिलुनॉविथ सू स्वः ।
अध्यात्मुक आनंदा प्रॉविथ
श्री चॅक्रम नमो नमः ॥

२३६

लूरनु आमुत यिय ओस यीरिथ
फेर्यन फीरिथ फीरिम तान ।
वेहरु गॅछिथ बुमु चॉरिथ
ग्राख गव नीरिथ शीरिथ वान ॥

२३७

यीरान यीरान मुह जॉल्य् वॅटुस
सीरन चॅरिथ वीरुन्य् दाव ।
हमस थफ दिथ थमन रॅटुस
वापस पॅटुस मंज सॅहराव ॥

२३ॢ

व॒र्जुं वावुनि लारि रोछुम
वारु तोछुम मंज वंदे ।
वावु वुजमलि नार वुछुम
होँछ मुछुम मंज सेंदे ॥

२३९

मंज ममता वछि सॉविथ
थाव रँछ रँछ विह्य विबूत ।
सातु समये नेरु त्रॉविथ
ग्रँजुनय किथु कति कूत ॥

२४०

नारु कर्तल युस हा च़ाली
युसुय गाली पनुन क्युत ।
वनु अमृथ सुय अदु वाली
तस सोंतु कालय बने ह्योत ॥

२४१

बुंद अँचिथ बिंद्रि नँचिथ
वापस वँसिथ मंज वुदुर ।
ब्रह्म हेरि अँदरी खँसिथ
ब्रह्मांडु नेरि राम राम बँदुर ॥

२४२

ब्रह्मांडस बिंद्रि अँदरी वँसिथ
सोरुय चँसिथ वुंदु छटि मीदुर ।
शाह नचि मंज गाह बँसिथ
पथ म्वचि नु कैह होख ओदुर ॥

२४३

रुत नक्षत्र साथ वुछिथ
थीवुम रँटिथ कर्योम जुत ।
लूब ब्रॉर गँयम वुछिथ
पँतिम मँशरिथ ख्योम तोत ॥

२४४

तपीश्वरस सत् ग्वरस
चरन रँटिथ दिस बा वोन ।
ब्रह्म ज्ञानु अमरीश्वरस
प्रान मेलनु बनि कुन ॥

२४५

च्यतु पीडा व्यतु करुन
द्यानु दरुन कुन ईश ।
प्रानु चूरस वारु फरुन
यारि करुन मंज प्रवीश ॥

२४६

पानु दँपिथ पान छेपिथ
पॉन्य पानय डालान होश ।
पानय पानस मंज गुपिथ
पानस लागान पानय पोश ॥

२४७

श्रीश नागय सॉलाह वॅरिथ
शीनु माने वॅलिथ ज़न ।
अगाद आनंद अँदरी बॅरिथ
तॅरिथ गॅयि म्वर्दु ख्वन ॥

२४८

यावनुन्य् दूह बु छावान आयस
मरुन मॅशरिथ मॉरिम छ्वह ।
तावनुनि दूहु अदु बु पेयस पायस
मदु होस वॅरिथ गोम श्रावनस पोह ॥

२४९

कुलुफ दिथ फांसि वानन
ज़बेह खानन मुच्चरिथ तोर ।
हाय खॉरिथ आस्तानन
कंजन वानन खॉरिथ पोर ॥

२५०

न्याय दिवान इनसानन
बे ज़बानन वालान पोस ।
नेतिथ तिमन मोसूम पानन
अड्यन पशिम, अड्यन तोस ॥

२५१

कुल लरि पॉविथ मंज़ वनन
खाहन ववान बंगि पोश ।
ऑंगजि दिद्यमद्यु मंज़ कनन
डॉलिथ सॉरी हवास होश ॥

२५२

हून छांडान मंज़ छंबन
नयान डेंबन मंज़ खरगोश ।
सुहन शालन हस्यत्यन त्रंबान
तुलमुत हांगल माज़न जोश ॥

२५३

त्रोपरिथ लुयि दारि ब्युहू मनु गरे
लरि गुमानय नु वॅर्यजे ज़ांह ।
कुमुर्य कोस्तूर्य यख पोर दरे
अद लुर पार अथ करे नु कांह ॥

२५४

लोबमुत लबुनय लॅब् लॅब् रावान
प्रन्नरुक प्रन्नरुन ख्यावुन स्योन ।
बु तु बुय बुय तन दुय नावान
हमसु दमु द्वद पोन्त्य नेरि ब्योन ॥

२५५

येमि दारु छ़ांडख तमि दारु नने
संसारु त्रने बने नो ।
मन मॉरिथ त्रॉविथ क्व-नेह
हम सॉविथ प्रॉविथ सो ॥

२५६

दु वते पकुन कूटुय
कूठ समाह मँजिला जूटुय ।
तस सखा युस यथ रूटुय
मर्च मीठिथ तँमी डूटुय ॥

२५७

शन खँसिथ शाहचि राय
शायि रूद शारिकाय ।
शमिथ शन आयि ग्रायि
शुनिथ शुन्यन मीलिथ द्राय ॥

२५८

जेरस ज़बर करनु सरय
अक्लि बरुय यलु गव ।
ज्ञानु ब्योल कडु दानु तरय
शाहन शाह शोमरिथ शिव ।.

२५९

कमालि सौंतय दमालि सनुस
चु मालि पज़रुक पर्जुन पान ।
रुमु रुमय रहमुय खनुस
चै मालि पारस पनुनुय पान ॥

२६०

मन क्याह खँट्य खँट्य तनि थोवुय
अपज़ि रावुरोवुथ पज़रुक बर ।
वुज़मुत मनुय नैदरि सोवुय
हजरु ख्योवुथ स्यज़रुक दर ॥

२६१

यिरवुनि नावि कर्यथ अटय
पाहा छुट छुटि वुदविथ पान ।
पेहनु आयि तावनुनि ग्रटय
दँल्य् दुनिथ हँल्य् इनसान ॥

२६२

संसार्य दार्य मुहित्थ गॅयम
चुहित्थ गॅयम मुहुक्क्य् ब्रम ।
अँदुर्य अँदुरुय सँदुर गॅयम
हम व्यसरिथ हौँदुर दम ॥

२६३

कनुच कनवान सँनिथ गॅयम
वँनिथ गॅयम पज़रुक सार ।
मनुकिस म्वख्तस खँनिथ गॅयम
अँनिथ गॅयम लारुक दार ॥

२६४

बीज़ु मंत्र गनिरु पोरुम
सनिरु सौरुम तीज़ु सान ।
ज़ॉन्य् पनन पान वुरुम
प्वख्तु वँरुम म्वख्तु खान ॥

२६५

सि॒रि॒ सूर॑थ सुरति दारुन
सासु॑ गाशे बासि ज॒न ।
सासु॑ गाशे प्रकाश वाहरुन
सूर॑ सूरिथ स्वनु तन ॥

२६६

बे बो॒ज वु॒नुल्य् ब्रों॑त गोम बहारस
गाटु॑ जारस गाटु प्योम ।
गाटु॑लि गथ कर पनुनिस यारस
हू अँ॒ज तार॑न तारु मं॒ज गोम ॥

२६७

ख॒बर॑दारु स॒निरु॑च ख॒बर
ख॒बरि॑ अनिरस वसि त॒बर ।
सि॒रु सर॑पोशे ग॒च्छि ज॒बर
स्व॒ख सबू॑रय बा ख॒बर ॥

२६८

अपज़िस पज़रुक ब्रोंत कवु गोयो
सँजवरि सँन्न पॉरोवुथ पान ।
लाल म्वलुनय कालन ख्योयो
ब्रम मॅशर्योयो ब्रह्मुकुय ज्ञान ॥

२६९

अडु डंगि पानो जंग छांड रुच्य
स्वक्रॅच्य लागुन तन ।
लरि दार्यन दिथ गॅयि नॅच्य
रुत ह्योतुम संतु सूफियन ॥

२७०

बुमि लॅज सुम मंजु रन्नि जुम्बिशे
बु स्वदीशे म्वकलिथ ऑब ।
टेकि लोग ट्योका म्वकलिथ किशे
स्वः रूद निशे भू गव गॉब ॥

२७१

बठि बोट सुमि तार व्वदर्य सँदरस
कर मो गुरट्च वॉनिस गोर ।
चिट् ज़न शीन कर अथ ज़ग खँदरस
माछि मोदरावुन नाबद बोर ॥

२७२

अँदरी अँदरी हँदरिथ वठ गोम
कठ गोम ऑसिथ शेरे नर ।
बोज़ हंदि बूज़नु बूज़िथ ज़र प्योम
वर ख्योम लर दिथ मॉशरु नु हर ॥

२७३

छांडुन बिहिथ त्रे मंज़ कने
प्यवान वने लॅगिथ ताव ।
योदवय सोतरन पनुने हने
सने सुय यस बॅनिथ आव ॥

२७४

ज्ञानस ह्यु नु प्रकाश कुने
ग्वरस ह्यु नु तीर्थ कांह ।
प्रानस ह्यु नु बांदव कुने
दयि प्रेयि ह्यु नु स्वख कांह ॥

२७५

कोस्तूर क्वंगु कोसाम अदुपॅरी
स्व व्यन्नारु शमशाद तॉरी तौर ।
अडुमॉर्य वासनायि व्याज़ अव्यन्नॉरी
यंदरि नॉर्य बिच आहॉरी चौर ॥

२७६

पनुनुय पान युस लागि वाने
सुय अदु ज्ञाने रावन त्योल ।
रातो द्यन ह्युव युस माने
तस क्या फाने छट्ट शुहुल ॥

२७७

अँग्न बोलि तु यँगुन्यु बोलन
बोलन कुमुर्य तु क्वहँतूर्य वाव ।
कुसू तोलि तु कसू तोलन
कुसू दाहु गेगि तारे नाव ॥

२७८

ज्वन तेले हर मेले
सुत्यु खेले रातो घन ।
ख्वखुर्य खातय फिहि खँहले
बे ज्वनय हँले कालव ख्यन ॥

२७९

अँदरी गॉशरिथ गफलँन्न पानो
गाटुल्यव गुदरिथ वुद्य कोर पान ।
जॉन्यु जॉविजार हॉव्यु क्यथु मानो
पोश क्यथु ज्ञानो मनुश्यस नान ॥

२८०

चूट पल, वूट पल
दुमट छूट पल।
नटि पिहान गूट पल
लटू दिय दिय अटूखल॥

२८१

शव आँसिथ शाहन तोरुख
शिव आँसिथ हाहन मोरुख।
शव शाहय शिवन पोरुख
शाह ज़िविथ शिवुय दोरुथ॥

२८२

तमुकिस अँग्नस वेह नो गले
लशि हरि अँश फेरि छेवि नो रेह।
ख्योदिस खेय खेय ख्वद नो चले
बेखि नो बने मनस बेह।

२८३

तेह कवु पानो पोहु पन वोलुथ
पोशरिथ मोशरुथ प्रनुवुन्यु ज्ञान ।
कावन पथ रावुन पोलुथ
वेह कोनु ज़ोलुथ व्वहुलुथ पान ॥

२८४

खबर दौरी टुकिथ तबर
ज़िंदस म्वर्दय वॅरिथ गॅय ।
मंज़ हुशौरी नैदरि कबर
लालन ल्वबर फुलय रॅय ॥

२८५

मन पनुन वन खोरुम
द्वय दोरुम सौंगू पान ।
ज्वन तपु नारु वारु कोरुम
वान वॅनिथ गॅयम प्रान ॥

२८६

आरु वॅरिथ अथय वास
वनव मंजय वना खास ।
ततिय अंदर वॅरिथ वास
सालु निवान खास खास ॥

२८७

च्च्यतस स्वथ सॉविथ गॅय
द्यॉविथ गॅयि नॅहविथ नार ।
मोदुर मस चॉविथ गॅय
पॉविथ गॅय ख्यॉविथ हार ॥

२८८

ख्वय खॅटिथ प्रानु चूर
आ अंदर हू मूर ।
नेहचि नॅदरि गाश दूर
ज्वनुचि ज़ुच्चि जॉहिर ज़ोहूर ॥

२८९

मखमॅल्य् नबस हेर्य दिथ बर गोम
जिंदस मर प्योम दिमु कथ नख ।
खॅसिथ मचानस सॅन्य् चूर सरु गोम
ग्रँज रोस अँज गोम दी दी थख ॥

२९०

सुमरनि पनस वख दिथ टख गोम
अख गोम त्रॉविथ पांन्न थफ ।
अंदुकिस चंद्रनस रंदु कनि मख प्योम
हख गोम नख दिथ पॉविथ हफ ॥

२९१

ब्राह्मांडु वुज़िन्य् गॅय
ब्रह्महन व्यस्तारु थॅव्य् ।
रवु प्रॉवि हुज़्य् हुज़्य् गॅय
नारु ज़ायि, शीति खेय ॥

२९२

शुनि शिव, कृहुन शून्याह
कालु चक्रस श्रोकलिथ शिव ।
च्रॉश च्रुहान राथ द्यन शुनिहा
लयि सपदिथ तसुंदि शिन्याह ॥

२९३

व्वदरु वॅदिथ, सॅदरु डॅलिथ
पॉन्य पानस फोलिथ गोव ।
लल्ल ललाटुक जामु वॅलिथ
हेरि अँदुर्य शेरि णिव ॥

२९४

शंकु बॅद्य जेवेयि
लछि बॅद्य विैयि
नव सॉन्य नवेयि
सतु रंगु विैयि
पृथवी छेवेयि
अँड्य गॅयि पातॉल्य

 r  r       
 s   v  s m d
 vnu   y  d   

   

 l l     vnan k st r s
l gmut n r v   k h  t r s  
nal  r l l m l v n    g r s
r    rav  rvun mnu   r s   

   

     ul y h n r    v r 
 ar  ar   aran r    
 ndu m    nda n r  nvar 
   d       svar  r     

२१७

चंदुच म्वहरा व्वंदस पौरुम
स्यंदुच खौरुम ब्यंदस ताम ।
अमलि चंदुन दंदव चोरुम
समुल्य स्वनस हेचुम साम ॥

२१८

रवाह वुछुम प्रवाह छटान
पारसु वुछुम बनान स्वन ।
बोजवान द्यानुचि दारनायि रटान
प्रजुवान प्रावान दूनवय ग्वन ॥

Rewritten in Standardised Devanagari-Kashmiri Script by M.K.Raina, Vasai, Mumbai
with due permission from the author.

My sincere thanks to her.

Work Completed on 12.02.2005 ~ Updated 09.04.2020
